



Conradus apud Sueuos natus & educatus a pueris bonis literis uacauit, atq; artium & linguarum fundamenta feliciter iecit. inde sese ad varias academias contulit, atq; S. Theologiae magna diligentia incubuit. Accedebat quoq; uitae integritas & naturalis facultia. Id cum Vlmensis Magistratus cognouisset, eum ad se uocauit, atq; suae urbis Ecclesiastē constituit. Eam functionem Conradus magna dexteritate expediuit, & cunctis ciuibus gratissimus extitit. Accidit autē eo tempore, ut Euangelij doctrina passim in Germania spargeret: eam cum Conradus intellexisset, apprehēdit, & ut publicē Vlmā susciperetur, anno 1528 Magistratus

autor fuit. Erat is Iohanni Oecolampadio & Huldrico Zuuinglio familiarissimus: itaq; priorem ad se Vlmam uocauit, atque eum religionis mutationi interesse uoluit. Huiusmodi officijs Conradus effecit, ut cunctis innotesceret, atq; apud posteros celebrem sui memoriam relinqueret. In Epist. Oecolamp. & Zuuinglij.